

ROMA

M A

Z I N

#4, Septembar 2016



IT

Pokemon Go

SASTIPE

Saste danda,
sasto đivdipe!

KOSMOS

Khamesoro sistemi

MUZIKA

Mladinski talenti



O vas so dela,
na šučola.

Sead Šerifi - Sejo

E redaktoresoro lafi

Ače pana hari ka nakhel o nilaj, a maje pana šudro. Nisavo nilaj na hine amen akava berš akate ki Švedska. Điko kotar Grčka, Srbia, Khorano, Makedonia, Bugaria... ka phenel: "kaj bre tumen isi tumen nilaj oduri upre"?! A, me phenava so odola manuša isi oljen milion procentia hako. Sebepi so nane amen tato nilaj ki Švedska, but đene "našena" ki Grčka, Srbia, Khorano, Makedonia, Bugaria, Špania, Tunis, Malta, Kipar hem pana but avera "tate" phuvja. Me akava berš đeljum ki Špania. Akana ko pratini o *Magazin Rom* sigurno ičeri ki godi okova vic kotar "*Kurta hem Murta*". Ama, me na čerđum sar oljende! Me na đeljum **baš** ki Špania, nego me đeljum ki Barselona. Oduri phirđum ki *La Rambla*, dikhlijum i arhitektura kotar *Sagrada Familia*, nandiljum ki *Barceloneta*, čijum šuke paprike ki *La Boqueria*, takijum i čar ko *Camp Nou* hem probijum te čhelav *Flamenco* e šuze Romnjencar ko *Tablao Flamenco Cordobés*. Hine šukar odova jekh kurko. Svako dive hine amen 25°C-26°C oduri, a meklje amala vačerena baš odova kurko ki Švedska hine 31°C-32°C. Šaj hovavena!? Ked aljum čhere, sa isto hine. Balval, bršim, šudro!

Sar so dikhena, dođačerđam hem o štarto broj. Pana hari o *Magazin Rom* ka pherel jekh berš. Isto ekipa, isto energija! Đi keda ka ovel ađahare, samo o Devel đanel. Amen hijam but zadovoljna sar akava volontersko hem biprofitabilno projekti barjola hem đala anglal. Yes, đala anglal ko sa o strane. I cifra kotar manuša so khuvena ko www.magazinrom.com barjola svako dive. Pobuter manuša đanena soj odova *Magazin Rom*. O interes but barilo, a odova hem hine jekh kotar amaro cilji. Ko krajo, amen sar redakcia ovaja pozoralje. Svako nevo broj tano pošužo, pointeresantno hem popenđardo!

Đi aver broj hem o šudro decembar, pomožinen okoljen kase pomoč valjani. Ako tumen dijen hari, o Devel ka del tumenđe pobuter. Đi ko čitibe!

Seljami kotar
Sead Šerifi - Sejo

Redakcia:

Brima Gudinci, Ilija Rajkovic - Icko,
Emran Murina, Sead Šerifi - Sejo,
Neđmedin Jašar, Mirsad Šerifi

Slike:

Sead Šerifi - Sejo
Free Images

Design:

Sead Šerifi - Sejo

Autor hem glavno redaktori:

Sead Šerifi - Sejo

ISSN:

2002-195X (Online)
2002-1968 (Print)

Kontakt:

info@magazinrom.com

www.magazinrom.com
www.arlicenter.se

Produkcia:

A r l i
kunskapscenter

Amendar

O magazin "Rom" tano jekh kvartalno hem badihava internet-magazin. Amaro fokus tane o Roma, a amari primarno idea tani te vazda e Romengoro interes e čitibase. O teme ko magazin šaj te oven kultura, integracia, svakodivesoro đandipe, informacia, muzika, sastipe, ajgara, nevipe, historia, kariera... O magazin "Rom" ka ovel jekh forum kuri o Roma kotar celo sveto šaj te diskutirinen razna teme, te vačeren jekh bitno informacia, te reklamirinen pe..., znači o magazin ka barjol hem ka asimilirini pe premalo e Romengere kritike hem premalo Romengoro čefi! Amen ka počmina te pisina ko Arli dialekti, ama phravde hijam hem dijekhvar te publicirina artiklia ko avera Romane dialektia. O moto kotar o magazin tano te pisini pe odija čhib sar so vačeri pe čhere! Zalo amari Romani čhib, jekh artikli ka pisina ki Švedsko čhib, sebebi amen o Roma kokri mangaja te bičala i korektno informacia kotar e Romengiri historia, čhib, kultura, adetia...

O magazin "Rom" tano bizo profiti! Iniciativa te čerel pe jekh esavko projekt ijlje o Sead Šerifi – Sejo. Ov kontaktirinda fantastična manušen kola bizo problemi prihvatinde akava izazov. Sarinende sviđisalji akija idea hem sarine prihvatinde te pisinen badihava, bizo pare!

Ako isi tumen disavo pučibe, idea ja komentari pisinen amende ko: info@magazinrom.com

Om oss

Tidskriften "Magazin Rom" är en online-kvartalstidning, som innehåller allmän kunskap, kultur, nyheter och information. I första hand tidskriften vänder sig till romer, men även vill hjälpa svenska myndigheter, olika organisationer och alla andra som är intresserade att göra skillnad, bidra till kulturen på olika sätt och utöka sina kunskaper om romer, romarnas historia, kultur och tradition. På det sättet ska vi tillsammans försöka att bekämpa diskrimineringen, samt bevara mångkulturella verksamheter.

Ko akava broj:

Zigeuner gulasch.....	5
Pokemon Go.....	6
Khamesoro sistemi.....	7
Da li đanđan so...?.....	8
Halva.....	9
Akana ka ičeri tut i bateria najhari 30% pobuter.....	10
Medo (Mladi Talenti - Bujanovac).....	11
Saste danda, sasto đivdipe.....	12
Romani ajgara.....	14
Romano gulaši.....	15

Nu kan du prenumerera på Magazin Rom!



1 nr 300:-

4 nr 300:-

Beställ på: info@magazinrom.com

www.magazinrom.com


magazinrom.com

www.magazinrom.com

Kontakta oss på: info@magazinrom.com

Šaj te poručine ko: info@arlicenter.se

Hajde te sikljava Romani Arli Alfabetet



Hajde te sikljava Romani Arli Alfabetet 1
ISBN: 978-91-982463-0-8

Hajde te sikljava Romani Arli Alfabetet 2
ISBN: 978-91-982463-1-5

Gulaschen brukar vara godast med nötkött. Idag är det också populärt med att laga den med kycklingfilé. Men, i Tyskland den godaste och mest populär är "Zigeuner gulasch" eller som vi romer skulle säga "romsk gulasch".

Paprika-Gulasch Zigeuner Art

Jag har varit på besök hos min svåger i Tyskland och måste berömma landet för dess storlek och finhet. Tyskland är ett stort land med mycket vackra utsikter och byggnader. Under en promenad i den stora fina staden Bremen, har vi gått in i en affär för att köpa lite mat till hemmet. Jag råkade passera en hylla som fångade min uppmärksamhet på grund av skylten "Zigeunergulasch". Jag blev chockad och kunde inte tro mina ögon, i synnerhet då tillverkaren är en utav mina favoriter, "Knorr". Majonnäsen från märket Knorr står i mitt kylskåp och om jag ska vara ärlig, skulle jag inte kunna tänka mig ett liv utan "Knorr majonnäs". Men, det var inte allt! Jag skulle dock överraskas av en skylt till som stod alldeles intill gulashskylten och på den stod det "Zigeuner sauce". Herregud! Kan det vara sant att det finns företag som använder sig av Z-ordet för att beskriva en maträtt på 2000-talet?! Denna produktens benämning är kränkanden för den romska folkgruppen. Folkgrupp som

aldrig någonsin hargjort någon illa. Jag tänkte gå och prata med personalen, men det skulle inte hjälpa eller förändra saken. Det var inte de som har döpt gulaschen och såsen till det och hur skulle jag diskutera saken när jag inte kan tyska. Det kändes tungt att inte kunna göra någonting då.

Men, nu fick jag chansen att öppna mitt hjärta. Jag vill meddela alla romer i världen att det är dags att vakna upp och indikera att vi finns, att vi är människor också och att vi kräver rättsvisa. Det får vara nog och slut på all diskriminering mot oss romer! Om vi inte gör någonting nu, hur kommer det bli med oss i framtiden?! Ska vi verkligen acceptera att våra barn växer upp med kränkning och diskriminering? Vi förtjänar inte det! Det är dags att tyskarna kastar sina förlämpade produkter i deponi!



Så här ser den ut!

Jag är inte "zigeuner". Jag är rom! Acceptera och respektera detta!



Me čedinđum 10 pokemonia avdije, a tu?



I aplikacia "Pokemon Go" promeninđa but čavorengoro hem ternengoro đivdipe ko pošukar.

Specialno pomožinđa e čavoren so isi oljen autizam. I igrica "Pokemon Go" čivela e čavoren hem e ternen te ikljoven avrijal, te oven društvena hem socialna.

Maškaro but so khelena i iga Pokemon Go, tano hem amaro amal. Oljesoro anav tano Ismet hem ov isi olje 17 berš. O Ismeti hine angljeder samo bešlja khere hem khelda igrice ko kompjuteri.

Sar o Pokemon Go iklilo ov promeninđa poklo tabijati. Ov počinđa poviše te ikljol avrijal hem te astarel e pokemonen. Sebepi o Pokemon Go o Ismeti ulo "pozoralo". Ov na darala više te ovel maškaro manuša hem te vakeri e manušencar.

Akija iga prezentirini realno hem virtualno sveto. Jekh kotar cilji tari akija iga tano te pomožini e čavoren kola patinena taro autizam, te phiren opušteno bizo dar maškaro manuša. Ađahar on dobinena kontakt avere ternencar kola isto khelena adija iga.


E Ismetesiri daj i Valentina vakeri so akija igrica pomožinđa olakere čhave te ikljol taro kher. Sar počinđa te khelel i igrica Pokemon Go o Ismeti promeninđa poklo angluno ponašibe ko pošukar. Oj osetini so olakoro

čavo ulo poviše pese hem nadine pe so o Ismeti ka arakhel piklji "sreča" oduri đikuri avrijal.


I iga perađa but duvaria aso manuša so hine izolirime sebepi oljengoro nabormipe. Aver puti ako dikhena nekas so phirela peklje telefoneja, ma asan hem ma maren muj, sebepi šaj adava manuš ikljilo taro kher prvo puti palo but berša.

Khamesoro sistemi

Kham




Ko khamesoro sistemi khuvena o kham, o planete, o masekia, o asteroidia, o komete hem avera buča ko kosmos so đana ko akava krugo. O khamesoro sistemi isi olje 9 planete. Akala planete vrtinena pe okolo kham. Najbari planeta tani Jupiter, a najtikni planeta tani Pluto. Isi manuša so na mangena te dikhen o Pluto sar planeta, sebepi but tani tikni. Amari planeta tani trito ko redo hem olakoro anav tano Phuv. Amari planeta i Phuv isi ola jekh prirodno sateliti. Odova tano o masek. Đi akana samo ki amari planeti isi đivdipe.



Da li đandđan so ...

... kotar sa o "đivdipe" ki amari planeta, 70% tane o *bakterie*?



... svako pandto manuš ki amari planeta tano Kinezi?



... jekh štar beršengoro čavoro šaj te pučel 500 pučiba ko jekh dive?



... ki India isi 24 oficjalna čhibja hem prekalo 1 500 dialektia?



... jekh manuš đi tano đivdo hala šov đi ko enja vagonia habe (maro, gudlipe, londipe...)?




... o lon tano jekh jedino "bar" so o manuša hana?




... ki amari planeta postoini koro 100 vrste "luksuzna bara", ama najvredna tane *diamant, rubin, smaragd* hem *safir*?




... 50% ko avdisutne vorda tano sa plastika?



... o košarkaši o *Radivoje Korać* dinđa 99 poenia ki jekh utakmica?



... kotar sa pani so isi ko celo sveto, 97% tano ko okeania?



HAVLA

Havla tano čorolikano, ama but gudlo hem šužo gudlipe. Kolaj spremini pe hem but sigate ovela. I havla avela kotar arapska phuvja hem ko klasično prevod značini - gudlipe. Isi razna raceptia sar valjani i havla te spremini pe, ama ked ka irine tut sarine 90% isto čerena. Ama, miklji daj ked čerela havla, maje tani najgudli.

Akava đala ki havla:

- 1 dl zetini
- 300 gr varo
- 300 gr šičeri
- 250 ml pani

Ki jekh tendera čerela pe sirup kotar šičeri hem pani. Ki dujto tendera čhivela pe o zetini te tačol. Ked tačilo o zetini čhivela pe o varo hem mešini pe sa đi ovela sar kafeno boja. Palo odova čhorela pe o sirup ko odova kafeno humer hem mešini pe sa o humer pijela sa o sirup.

Han sastipaja!

O mobilno telefonia ovena sa pogodalje, pozoralje hem pošuže. Ama sebepi o baro ekrani hem o zoralo procesor i bateria na ičeri but.

Ko jekh "smart" telefoni i bateria ičeri jekh di ko duj dive. A, angljeder 16 berš ked ikljislji hine i Nokia 3310, ko akava telefoni i bateria šaj hine te ičeri 7 dive bizo te pherel pe. Amen ka vačera tumende disave tajne sar i bateria ko tumaro smart telefoni te ičeri pobuter kotar jekh dive.


Akana ka ičeri tut i bateria najhari 30% pobuter

Automatsko svetlo

Akija opcia obavezno te isključini pe. Pošukar kokri te namestine tuče kozom svetlo valjani ko ekrani. Ked hijan ko kham podesin o svetlo ko ekrani te ovel ko 80%. A račate ko 10-20% sose dovoljno ka ovel svetlo ko ekrani.

Wi-Fi, GPS, Bluetooth

Akala opcie najsigate "hana" i bateria. O Wi-Fi na valjani te ovel 24 satija uključimo. Isključin ked na valjani tuče. O GPS koristin samo ked valjani te podjine ko drumo so na pendareja, ja paljem ako čedeja pokemonia (haha).



Akana ičeri man i bateria trin dive

Vibracia

I vibracia but posigate trošini i bateria, nego so amen mislinaja. Isključin i vibracia ked takineja o ekrani hem ked koristineja i tastatura.

Čer "update" ko aplikacie

But tano važno te čere "update". I nevi aplikacia ka čerel buti posigate, nevo dizajn šaj te dobine, ama hem pohari ka trošini i bateria. O programeria so čerena o aplikacie dikhena te oven o aplikacie posigate, ama hem te oven ekonomična. Brišin o aplikacie kola na koristineja. Disave aplikacie but ljena than ki memoria hem šukar ka ovel te forde oljen ki SD karta. Pošukar te oven ki SD karta, nego ki memoria kotar telefoni.

Isključin o animacie

O animacie but čerena pharipe ko procesor hem odoljese sigate čučola i bateria. Isto važni hem "widges" so tane konektirime ko internet, najšukar ka ovel te isključinen pe kotar ekrani. Na samo so ka traini i bateria pobuter, nego hem o telefon i čerel posigate buti.

Ako čerena akava, tumari bateria šaj te čerel buti najhari 30% pobuter.

Isključin o ekrani

Ako na koristini pe o telefoni, a o ekrani svetlini ko "prazno" i bateria ka čučol sigate. 30 sekunde tane dovoljna, kozom te traini o svetlo ko ekrani hem automatski te ačhol. A najšukare paljem tu te takine hem te isključine.

M E D O

Kotar avela toklo mangipe e muzikače?

- Me muzikaja bijandiljum! Moklo dad o Turkijani pana tegani hine bašalđa ko Mladi Talenti kotar Bujanovca. Me sar čavoro đava hine te šunav oljen sar vežbinena. Nijekh oljengoro bijav ja koncerti na mukhljum ki Bujanovca. Sa o đilja hem o horia kotar Mladi Talenti đanava hine ki godi. Moklo dad dikhla so isi man but čefi hem jekh dive pučla man: "Medo, sava instrumenti mangeja te bašalje?" Iskreno te ovav, oljesoro pučibe na iznenadinha man hič, sebepi me odova đačerđum celo vreme. Ičerava ki godi tegani hine man 12 berš. Ko odova vakti o orkestar Mladi Talenti hine oljen problemi ko klarinet hem ko saksofon. Me othe dikhlij miklji šansa hem phejum meklje dadeso so mangava te bašalav hem o klarineti, a hem o saksofoni. Me sar dešuduj beršengoro čavo nikedna na takijum odola instrumentia, a ki miklji godi več bijav. "Sastipe aver berš, me glavno ka ovav ko Mladi Talenti", me gođaja mislijum hine tegani. But bari volja hine man! Ama, moklo dad tano e muzikakoro purano ruv, ov đanda so me isi man tal - enti

hem so i Romani muzika tani maje več ko rat. Ov čiđa man ki muzikakiri škola, sebepi manglja te ovav učimo muzičari. Avdije isi man 18 berš, završindum i gimnazia, završindum e muzikakiri škola hem moklo suno

pherdilo akana sigate ked khuđum ko orkestar Mladi Talenti!

6 berš! Nane li but odova?

- Na, nane but! Sebepi so pobuter đačerđum, o čefi moklo pobuter bari-lo. Ko akava sveto sa šaj te čere, samo valjani te ovel tut baro čefi. Bizo čefi nijekh buti na ovela hasel.

Bašali li điko pana ki tiklji familia?

- Sar na! Moklo babo hine but penđarutno harmonikaši ki purani Jugoslavia. Doduše ov hine bašalji sa o instrumentia, ama i harmonika hine oljesoro najbaro mangipe. Ov sikađa meklje dade, a moklo dad sikađa man hem meklje phralje.

Save tane teklij plania akana?

- Ikalđam horia hem đilja so šaj o Roma te dikhen ko Youtube. O najnevo horo vičini pe "E čhajakoro merako" hem akava horo momentalno tano but popularno ko bijava.

Isi tut li diso te phene e ternenđe?

- Te oven oljen godi ko jekhto than. Te pučen kokri pes soj odova so mangena ko đivdipe, savi buti mangena te čeren. Amen o Roma isi amen jekh citati kova phene-la: "Ko so čerela, pese čerela".

Medo Memedovic

Berš: 18

Buti: Muzičari

Edukacija: Muzikakiri škola, gimn.

Familia: Dad, daj, phral, phen

Favorit knjiga: Zlatan

Favorit aplikacija: Pokemon Go

Favorit maro: Döner Kebab



Medo Memedovic

sead.serifi@magazinrom.com

SASTE DANDA, SASTO ĐIVDIPE!

Amare danda tane but važna. O danda valjanena amenđe svako dive - ked haja maro, ked asaja hem ked vačeraja. Saste danda hem čisto muj tane but važna te ovel amen jekh šukar đivdipe.

Ače jekh savet sar teklje danda Ađahare valjani te thova o danda:
te oven saste:


- Thov teklje danda svako sabalje hem akšami. Koristin pasta dandenđe so isi ola fluor.
- Čhungar palo odova, ama ma heljačer toklo muj panjeja.
- Svako dive čistin teklje danda maškaral, jekhe thaveja ja čačkalicaja.
- Mukh o danda te odmorinen kotar hajbe hem pijbe najhari 2 satija.
- Pi pani ked hijan tušalo (na soko ja aver diso gazirimo).
- Mislin so o dohani nane šukar e mujese hem e dandenđe.
- Prvo thovela pe i avruni hem i upruni strana e dandengiri.
- Palo odova thovela pe hem i teluni strana.
- Ked thođan i avruni strana kotar danda isto ađahare valjani te thove hem i andruni strana.
- Najpalal thovela pe i čib.



Ađahare valjani te oven amare danda

O danda valjani te thoven pe barem duj putija ko dive, sabalje hem ko akšami. O danda thovena pe ko akšami sebepi o sastipe, a sabalje sebepi o šužipe.

Ama, mora hem pravilno te thova amare danda. Ako na thovaja amare danda pravilno, šaj o dand te ruminipe hem te perel. Šaj hem o temija te dukhan amen.



Dandengiri ordinacija

Akava pomožini amare danda te oven čista hem saste:

- Zeleno čaj isi olje biljna supstance kola čerena amare danda te oven čista hem tikničeri i šansa te ovel amen karies hem te dukhan amare temija.
- Thud hem jogurt tane but šukar dandenđe. Nane but šutlje hem isi oljen hari šičeri, a odova značini so naštī sigate te ruminen pe amare danda. O thud isi olje kalcium, a odova čerela amare danda te oven zoralje.
- Phabaj, jagoda hem kivi isi oljen vitamin C. Ov čerela amare temija te oven saste.
- Žvaka šaj isto te pomožini amare danda te oven saste. I žvaka cidela o bakterie hem tikničeri i šansa te ovel amen karies.



Akala danda tane rumime hem ko "drumo" tane sa te peren

Akava šaj te rumini amare danda:

- Šičeri tano but baro "dušmani" edandendje, a najviše tano kogudljipa. Šičeri rumini i boja kotar danda hem šaj but kolaj te dobini pe karies.
- Kofein našti te rumini o danda, ama šaj te rumini i boja. Ako but pijeta kafa, o danda šaj sigate te našaljen piklji boja. Šukar ka ovel palji kafa, te pijel pe pani.
- Gazirime sokija isi oljen but šičeri, pa nane šukar but te pijel pe.

Jekh maškar najbare dukha, tani i dandengiri dkh. Nisar našti te nakhel, dkhala sa pobuter hem pobuter. Ađahare šaj te probina te cida odija dkh ko prirodno način, bizo tablete:

- Šudri obloga cidela i dkh hem trnoni o temi. Najšukar te čhivel pe ledo ki pamučno krpa.
- Čaj kotar kamilica ja nana. O čaj valjani te ovel mlako, ičeri pe hari ko muj (ko than kuri dkhala).

- Krastavica čhivela pe ko dand so dkhala. Palo disavo vreme valjani te cidel pe i dkh.
- Londo pani pomožini isto. Dovoljno jekh čaša tato pani hem jekh roj lon. Heljačer 2-3 minutia hem čhungar palo odova.
- Alkohol, rakija, votka ičeri pe ki strana kuri dkhala. O dand ka trnoni kotar alkohol hem ka našalđol i dkh.

Ked često doljela amen i dkh, onda najšukar te đal pe ko doktori. Đa ki kontrola na samo ked dkhana o danda. Sarine isi oljen aver čhane muj hem aver čhane danda. Redovno kontrola ko zubari hem te ikalji pe o bara kotar danda, valjani najhari duj putija ko berš. O zubari ki kontrola šaj te phenel savi pasta hem četka tani najšukar tumare dandendje.



Dandengere četke

ROMANI AJGARA



Mama: Ooo... Babuš mo čhavo,
mukh hari odova telefoni.
Lje sikljov diso!

Babuš: Ama, me īanava sa mama!

Mama: Čače?

Babuš: Po mama, sa īanava.

Mama: Sar vičini pe okija bari hem
sastondali konstrukcia ki Pariz?

Babuš: Iphone tower!!!

Podija o šošoj ki kafana hem dikhela so
điko astarda oljesoro than ko
parking. Diljindilo sa o šošoj hem but
holjamo khuđa andre ki kafana.

Šošoj: Halo bre...

Koj hine odova mangupi
so astarda moklo than?

Ked okotar uštinlo o medo hem phenela:

Medo: Me!

Šošoj: Aauuuu, ama parkirijan,
halali te ovel tuče.
But šukar, bravo!

Khuđe o Kurta hem o Murta ko
jekh luksuzno restorani te han
maro.

Kurta: Oče okote isi jekh astali.

Murta: Kuri bre?

Kurta: Oče okova baro!

Palo jekh momenti avela o
izmečari nakro oljende.

Izmečar: Romaljen, našti te
bešen ko akava astali!

Kurta: Sose bre?

Izmečar: Akava tano
Švedsko astali!

Murta: Đaneja so?!

Ked ka aven o Šveđanja,
amen ka ušta hem ka da ko
dijekh aver astali!

O mangipe tano sar o "wi-fi".
Na dikheja, ama osetineja ked
našaldola i konekcia!

O gulaši tano najgudlo keda tano čerdo telcikane maseja. Avdije tano popularno hem o gulaši khanjane maseja. Ama, ki Germania najgudlo hem najpopularno tano "zigeuner gulasch", ja sar amen o Roma ka phena "Romano gulaš".

Paprika-Gulasch Zigeuner Art

Hijum hine gosto jekh kurko ki Germania, ko moklo šurako. Šučur Devla, sarine tane šukare, sar so phenela pe ko Romane, saste hem veste. Nek ovel sasto moklo šurako, ikalđa man te phirav hem te dikhav i bari Germania. Resljam kijekh dučana, te čina hari harči te igara čhere. So te dikhav othe, baš ki odija dučana - "zigeuner gulasch". Ačhiljum! Našti te veruinav so dikhlijum meklje jačhencar. Aman Devla, čače li akava?! Ačhav sa, čerela i najzorali marka. Po, baš o "Knorr"! Pa me merava palo oljengoro majonez. So te dikhav, zalo "zigeuner gulasch" bešela o "zigeuner sauce". Romano sos! Čače li isi akava ko 21. veko?! Bikindoj odova gulaš hem odova sos, uvredinen celo jekh nacia. Nacia koja nikase nikeda nisavo lošnipe na čerdja! Mislinđum te đav te vačerav e manušencar othe ki odija dučana so biknena, ama nane oljengiri greška akija. On na čerđe odola produktia, a hem sar te phenav diso ked na đanav te vačerav oljengiri čib. Ačhili maje sar gropo ko vilo, so ništa na čerdum tegani.

Ama, akana pelji maje šansa te ločharav moklo vilo! Mangava te phenav so sa amen o Roma mora te ušta hem te vačera, te vazda amaro glaso, te mothova so hem amen postoinaja ko akava sveto, so hem amen mangaja te ovel amen "disavo" pravo. Dosta hine više diskriminacia premalo amende o Roma! Ama, amen mora te pođina prvo amendar. Ako amen ništa na vačeraja ja čereja ki akija situacia, sa ka ačhol sar so hine hem so tegani ka ovel amencar? Ka dozvolina li amare čhave te barjon ko akava nivo hem te oven diskriminirime sar amende? Pa so ako nane amen phuv, baš akava hem baš ađahare na zasluzinaja. Me mislinava so alo o vakti odola konserve hem odola kese o Germancia te fordjen ki kanta!

Uhh... na đanav ni me so čerava dijekhvar. Pa sose sebepi me sikirinava man hem nervirinava man. Me na hijum zigeuner. Me hijum Rom!



Ađahare dičola "odova" sos!

AKALA DIVE
OČHAVORO
HIC NA PRAČINI !

ZORALO SIGNALI
ISI MAN
AKATE !